



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nicolai Revsneri Leorini Silesii Etesiae, siue Apinae
Therinae**

Reusner, Nikolaus

Lavingae, 1581

VD16 R 1419

I. Ad Illvstrissimvm Principem D. Iacobum, Marchionem Badensem, Car. F.

urn:nbn:de:hbz:466:1-12434

NICOLAI REV-
NERI LEORI-
NI SILESII

Etesia,

siue

APINÆ THERINÆ:

In Elaphebolis Palatinis
Scripta.

ANNO M. D. XXCI.
M. Augusto.

I.

AD ILLVSTRISSIMVM
Principem D. Iacobum,
Marchionem Badensem, CAR. F.

*Quando Palatino cum Principe sacra Diana
Suscipis: & nemorum lustra, IACOBE, subis:
Et iaculis fixos capis, aut in retia pressos
Venator ceruos conficis ense bonus:
Spectator pulcri certaminis ipse, comesque:
Disparibus lusi carmina pauca modis.
Scripta tibi quæ mitto, tuo sub nomine, Princeps
Inclyte. sit fas hæc nomen habere tuum.*

A 2 Musaruna

Musarum cultor pariter, domitorque ferarum
Magnus ut Alcides, tu simul esse potes.
Sis bonus ô, vati que faue tibi magne fauenti
Marchio: quæque legis, consule quæso bono.

II.

Ad Ioannem Posthiū Me

De Etesijs suis.

Dum sicco cane terra feruet: atque
Crescens præripitur seges: diebus
Musæ quæ faciles Etesiarum
Nuper carmina fortè dictitârunt:
POSTHI, si madida nozem papyro:
Cur indigner Etesias vocari?

Sint ô sint modo Etesia salubres:
Et curas mihi temperent molestas:
Nec solùm mihi, sed meis patronis,
Et cunctis reliquis meis amicis:
Quorum nomina continet libellus.
Auræ sicut Etesia salubres,
Sicco sub cane, temperant calores
Aestatis nimios: suoque flatu
Languentes recreant, fouentque plantas:
Aut herbas vario colore pictas:
Et cæli volucres, marisque pisces:
Et quicquid pecudum vsquam vagatur.